



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

Complectens ea quæ ad Sacra menta & mores pertinent

**Abelly, Louis**

**Coloniæ Agrippinæ, 1659**

§. 3. De homicidio & multilatione alterius.

**urn:nbn:de:hbz:466:1-38979**

*De homicidio & mutilatione alterius.*

**C**ERTVM est homicidium iniustum alterius esse per catum mortale: unde Apoc. 22. homicidae à coeli gloria excluduntur. Nomine autem homicidii intelligimus cuiusvis hominis occisionem: est enim in confesso apud omnes (ut docet S. Aug.) occisionem animalium ad sustentationem humanae vitae non esse illicitam.

Sunt tamen aliqua causa, ob quas hominis occisio peccato excusari potest, immo aliquando redditur licita iusta: tres communiter Theologis numerantur, scilicet iustitia, necessitas, & inconsideratio: ex quibus duae prioris homicidium reddunt licitum; tertia vero illud à peccato saltem mortali excusat. De singulis breviter aliquid dicendum est.

Homicidium ex iustitia fieri dicitur, quando simul concurrent quatuor conditiones: quarum prima est, ut in auctoritate publica, principis v. g. aut magistratus ab eo potestatem habentis, ad quem tanquam Dei ministrum pertinet ius gladii, ut declaratur Rom. 13: sine qua auctoritate nemini privato licet alium, quantumvis flagitiosum, & nocentissimum interficere, ut docet S. Th. 2: q. 64. a. 5. Secunda conditio est, ut fiat ex causa iusta, e.g. gravi, & ad bonum publicum pertinente, ut docet idem Tol. sup. Tertia conditio est, ut fiat ex recta intentione, e.g. ex zelo iustitiae, amore boni publici, &c. si enim iudex, &c. iudicium capit proferat in aliquem sibi alias infensum, quantumvis legitima auctoritas & causa iusta subiecta, graviter tanquam peccaret, ut per se manifestum est. Quartaenique conditio est, ut fiat secundum juris ordinem, qui ut docet Tol. supra, & Laym. tract. 6. de iudicis c. 2. postulat in primis, ut praecedat accusatio, vel denuncatio, aut saltē inquisitio iuridica, si nullo accusante aut denun-

denunciante iudex ex officio procedere debeat. Deinde ut crimen probetur sufficientibus testimoniorum, aut iudicis, vel propria ipsius rei confessione sponte facta. Denique ut citetur reus locumque ac tempus se defendendi accipiat: quamvis interdum (ut recte observat Tol. sup.) reus etiam inauditus morte plecti possit; si nimis ob potentiam nimiam formidandum se praebeat, nec aliter iustitia possit effectum suum sortiri: in quo tamen casu crimen debet esse notorium; vel tam evidenter probatum, ut nulla subsit ratio de illo dubitandi. Plura super hac iudiciorum forma in octavi precepti explicatione dicentur.

Secunda causa, quae homicidium licitum reddit, est necessitas: quando scilicet quis eodem redactus est, ut vitam propriam aliter tueri non possit quam occidendo invasorem: quod quidem licitum est, dum modo fiat cum moderamine inculpatae tutela, ut docet S. Th. 22 qu. 64. a. 7. Quod autem de propria vita, hoc etiam de vita persona alterius consanguinitatis aut amicitiae vinculo coniunctae intelligendum esse docet Tol. supr. & habetur Clem. un. de homicidio. Observat autem idem Toletus quod, si invasor esset persona bono reipublice admodum necessaria, pura ex cuius occisione bella civilia, & alia similia damna publica emergere possent, tunc licitum non esset illum occidere; sed mors prius appeti deberet.

Quare, an sicut ad vita defensionem; sic etiam ad bonorum exteriorum conservationem liceat invasorem occidere, quando aliter bona illa salvari non possunt. Resp. id etiam licitum esse, dummodo bona illa sint magni alicuius valoris, nec aliter conservari possint. Id constat in primis ex ictiatura: Exodi 22. ubi dicitur: Si effringes fur domum, si vis, usquadiens fuerit inventus, & accepto vulnere mortuus fuerit; percussor non erit reus sanguinis. Constat præterea ex cap. Olim, de restitutione spoliatorum; & ex cap. Dilecto, de censura excommunicati in 6. Idque S. Antonius Maior, Sylvester, Caietanus, Sotus, & alii, quos citat & sequitur Laym. tr. 2. de iust. part. 3. c. 3. sup. Addit tamen Toletus id solummodo esse laicis licitum, non vero Ecclesiasticis, quos (ut habetur cap. suscep-

suscepimus de homicidio ) satius est post tunicam relinquer pallium quam pro rebus transiteris tam acerbè in aliunus deseret.

Quod autem de bonis fortunæ , hoc etiam de famili honore dici posse existimat idem Toletus : quod enim docent Sotus, Nav. Sylv. &c plures alii , quos citat & sequitur Lessius lib. 2. de iust. & iure c. 9. dub. 6. Iuxta quoniam sententiam , quamvis nobilis ab alio invasus posset vita fugiendo salvare ; si tamen inde aliquam contrahat infamiam , non tenetur fugere sed invasorem occidere potest si alter vitam cum honore tutari nequeat . Observat etem Toletus id non licere nisi nobilibus & personis in qua suum honorem tutari maxime obligantur , idque se lumen modo ad vitandam infamiam , non vero ad iniuriam acceptam ulciscendam . Addit insuper idem quoque censendum esse de castitatis , & pudicitiae defensione ; potest enim mulier ob defensionem castitatis occidere invasorem ; si aliter illam propugnare nequeat .

Quod autem hic de occisione alterius dictum est , item de illius mutilatione intelligi debet ; scilicet adiuvum vel bonorum seu honoris vel pudicitiae defensionem . Tum esse alium mutilare : imo , si illum mutilando vitare honor , &c. propugnari potest , occidere non licet .

Quamvis vero licitum sit parentibus , dominis , & aliis superioribus (ut docet S. Thomas) correctionis causaribz berare & percutere filios , servos , & alios inferiores ; non tamen licet illos mutilare : unde peccant quando in correctione ex nimia ita modum excedunt ; ita ne inferiore mutilentur , aut notabiliter in corpore lacerantur .

Tertia deniq; causa , qua homicidium à peccato excusat , est inconsideratio ; si v.g. aliquis inadvertenter & prater omnem intentionem alium occidat , cum enim (ut docet S. Tho. q. 64. a. 8.) ea , qua ex casu & prater intentione accidunt , sint involuntaria ; hinc sequitur non esse peccata , cum nullum sit peccatum nisi voluntarium . Reste tamen observat S. Doctor & post illum Lessius supra dubius contingere posse , ut id , quod non est voluntarium in se in-

volu-

voluntarium in causa; quando quis aliquid facit, unde periculum est ne sequatur mors alterius; tunc enim nisi sufficientem ad periculum illud evitandum diligentiam adhibeat, homicidium, quod inde licet casu & præter illius intentionem sequitur, censesbitur voluntarium in sua causa; g. nobilis aliquis venatur, & ictu sclopeti existimans impetrere feram occidit hominem; tunc enim si sufficientem non adhibuit diligentiam, ut occasionem illam præcaveret, censesbitur ei voluntaria erit; proinde illius homicidii reus. Est autem sufficiens illa diligentia pensanda juxta majus vel minus periculum quo d imminet; si enim v.g. locus illius venationis erat juxta viam publicam, per quam multi transire solebant, major haud dubie ad vitandum homicidii periculum adhiberi debebat diligentia, quam si fuisset desertus.

Idem quoq; dici debet juxta S. Doctoris mentem de illo, qui omittit aliquid facere ad quod tenebatur, ex qua omissione sequitur præter ejus intentionem mors alterius: tunc enim pro ratione majoris vel minoris negligenter, aut ignorantia, qua illius omissionis causa fuit, majoris vel minoris peccati reus censesbitur: e. g. si ex aliqua medici ignorantia vel negligentia mors infirmi sequatur, reus erit peccati gravioris aut levioris, prout major vel minor fuerit illa ejus ignorantia aut negligentia, quod judicis viri prudentis perpendendum est.

## §. IV.

## Quot modis peccetur in quintum Decalogi preceptum.

PECCANT in primis, qui in justum vindictæ appetitum deliberate concipiunt: qui se motu aliquo ira, ultra rationis aurum charitatis limites abripi sinunt: qui verba contumeliosa & convitiis plena in alios proferunt: qui sibi ipsis ex desperatione mortem optant, aut inferre conantur: qui se temere & sine ulla rationabili causa pericolo mortis exponunt.

Qui